

Landesbibliothek Oldenburg

Digitalisierung von Drucken

Phaedri Avgusti Liberti Fabvlarvm Aesopiarvm Libri V.

Phaedrus

Rintelii, MDCCXXXVIII

VD18 13044567

Fab. V. Vacca et Capella, Ouis et Leo.

urn:nbn:de:gbv:45:1-17134

stum earnis, illius effigiem in aqua, velut in speculo, aspicit, aliamque putat ab alio ferri praedam, quam rapere posset. Inhians vero isti sua fallitur avaritia: ut, quem ore tenebat, cibum dimitteret: neque aliud attingeret, quem petebat ab umbra.

FAB. V.

Vacca et Capella, Ouis et Leo.

Nunquam est fidelis cum potente societas:
Testatur haec fabella propositum meum.

Vacca et Capella, et patiens Ouis iniuriae,
Socii fuere cum Leone in saltibus.
Hi cum cepissent ceruum vasti corporis:
Sic est locutus, partibus factis, Leo:
Ego primam tollo, nominor quia Leo;
Secundam, quia sum fortis, tribuetis mihi;
Tum quia plus valeo, me sequetur tertia;
Malo afficietur, si quis quartam tetigerit.
Sic totam praedam sola improbitas abstulit.

Aequalium iucunda societas.

Cum potentiore nunquam tuta societas: quod
hac mea demonstratur fabella. Vacca et Ca-
pella, et Ouis, cum Leone, ad praedam in sal-
tibus captandam, foedus inierunt. Cum cer-
vum iustae magnitudinis cepissent: disceptum
Leo sociis totidem partibus proposuit: et prima
pars, dixit, mihi cedet, quia leo sum: alte-
ram facile potestis tribuere mihi, quia fortis
sum: tertiam mihi sumo, quia rex quadrupe-
dum vobis impero: quartam impune absum-
serit nemo. Sic unus Leo, non sine sociorum

efurientium ludibrio, totam sibi seruauit prae-
dam.

F A B. VI.

Ranae ad Solem.

Vicini furis celebres vidi nuptias
Aesopus, et continuo narrare incipit:
Vxorem quondam Sol quum vellet ducere:
Clamorem Ranae sustulere ad sidera.
Conuicio permotus quaerit Iupiter
Caussam querelae: quaedam tum stagni incola,
Nunc, inquit, omnes vnus exurit lacus,
Cogitque miseras arida sede emori.
Quidnam futurum est, si crearit liberos?

Iniqua malorum proles.

Aesopus vicinos vidi furis celebrare nuptias:
et hanc narravit fabulam. Cum sol quondam
vxorem ducere vellet: ranae trementes et eiun-
lantes clamorem ediderunt longe maximum:
qui ad sidera surgens permouit Iouem, ut que-
relarum caussam cognoscere cuperet. Sub-
moesta ex ranis et promta quaedam, nunc, re-
spondit, o! diuum Pater atque hominum rex,
sol vnus suis radiis omnes lacus exurere con-
fueuit, atque misellas nos cogere, terris exsicca-
tis, emori. Quid, obsecro, fiet, si quando fi-
lios procreauerit?

F A B. VII.

Vulpes ad personam tragicans.

Personam tragicam forte Vulpes viderat:
O quanta species, inquit, cerebrum non habet.
Hoc illis dictum est, quibus honorem et gloriam
Fortuna tribuit, sensum communem abstulit.

Prae-

